

ՊԻՈՆ ՀԱԿՈՐՅԱՆ

Բանասիրական գիտությունների դոկտոր

ԱՐՈՎՅԱՆ ԵՎ ՆԵՐՍԵՍ ԱՇՏԱՐԱԿԵՑԻ*

4

Ի՞նչ էր կատարվում իրականում. 40-ական թթ. սկզբներից Ռուսաստանի և Անգլիայի միջև սկսվել էին զաղտնի բանակցություններ՝ Օսմանյան կայսրության տարածքն իրենց միջև բաժանելու համար: Քննարկվող հարցերի շուրջ վերջնական համաձայնության գալու նպատակով, Նիկիոյա I-ը մինչև իսկ պատրաստվում էր մեկնել Լոնդոն: Այդ առիթով Ռուս տերությունը կարիք ուներ նախապես պարզելու, թե ի՞նչ էին իրենցից ներկայացնում այն նրկրները (մեծ մասամբ՝ պատմական Հայաստանի երրեմնի գավառները), որոնք անցնելու էին կայսրությանը, և ի՞նչ կյանք ու կենցաղ ունեին այնտեղ բնակվող ցեղերն ու ժողովուրդները: Այդ ամենը պարզելու համար՝ որոշվում է գիտական հատուկ արշավախումբ ուղարկել Հայաստան՝ բնապատմական և նրկաբանական հետազոտության ենթարկելու նրա ինչպես ոռոսական, այնպես էլ պարսկական և թուրքական շրջանները՝ առայժմ ծավալվելով Արարատ լեռան շրջակայքում փոփած գավառներում:

Արշավախմբի ղեկավարությունը վստահվում է Դորպատի համալսարանի պրոֆեսոր, փորձառու նրկաբան Հերման Աբիխին: Այդ «զաղտնախորհուրդ գիտարշավի»²⁵ հաջողությունն ապահովելու համար հրահանգներ են ուղարկվում Անդրկովկաս՝ կարգադրելով ամեն քայլում ընդառաջել գիտնականին և նրան գործակիցներ կարգել Հայաստանը շատ լավ ճանաչող և տեղական լեզուներն իմացող անձինք, առաջին հերթին՝ խաչատուր Աբովյանին, որին անհապաղ ուղարկվում է պաշտոնական հրավեր: Նույն մտահոգությամբ՝ Ռուս տերությունը (հավանաբար՝ Ներքին գործերի նախարար Դ. Բլոտովը)²⁶ դիմում է նաև Ներսես Աշտարակեցու խորհրդին և օգնությանը: Այդ ընթացքում Աբովյանը ստանում է նաև կոմս Ա. Խ. Բենկենդորֆի հանձնարարությունը՝ շրջել քրդերի ու եզդիների բնակավայրերում և ուսումնասիրել նրանց պատմությունը, բարքերն ու սովորույթները, հավատալիքներն ու բնավորության գծերը, անգամ՝ բանահյուսությունը²⁷:

Ներսես Աշտարակեցու նամակն այդ գիտարշավին էր վերաբերում: Լսելով Աբովյանի մասին (ամենայն հավանականությամբ՝ Ա. Հաքստհաուզենից), որ փոխադրվել է Երևան, նաև բավարարած լինելու համար անձամբ Աբիխին, նա հատուկ նամակով խնդրեց Աբովյանին ըստ ամենայնի աջակցելու գերման

* Սկիզբը տե՛ս հմր. հմր. Դ-Ե:

²⁵ Աբովյանի քնորոշումն է. տե՛ս Ե VII, 80 և 93:

²⁶ Տե՛ս Դ II, 177/«... համաձայն ցանկութեանց նախարարութեան...»:

²⁷ Ա N° 23, էջ 39 /հմտ. Ե VII, 151 և 194-195/:

գիտնականին: Նամակի սկիզբը պարտավորեցնող էր, կաթողիկոսական կոնդակներին բնորոշ հանդիսավոր և հարգալից խոսքերով. «Սիրեցելոյ իմոյ՝ բարեջանութեամբ Ձեր ջատագովեալ վայելչութեան հայրենեաց խաչատուր Յովակիմեան /.../, հարազատի Ամենասուրբ Առաքելական Եկեղեցւոյ Հայոց ջերմեռանդութեան հոգւոյ...», միաժամանակ, կարծես, մերողամտութիւն հայցելով, որ ցարդ անպատասխան է թողել մրա վերջին նամակը. «Զպարտաւորութիւն իմ միոյ գրութեանց Ձերոց առ իս, որպէս կարողանամ զմտաւ ածել՝ թերևս, անդուստի Ս. Պ. Բուրգայ, յարատևէ ցարդ և տևեցէ դարձեալ...»²⁸:

Խոսքն ի՞նչ նամակի մասին է, դժվարագույն ենք կոսիել, որովհետև Պետերբուրգից Ներսես Աշտարակեցուն գրած Արքեպիսկոպոսի նամակ հայտնի չէ: Մեզ ծանոթ է, պահպանված կամ կորած, երեք նամակ. մեկն ուղարկված է Ալտ-կուստիոֆ ազարակից, 1834 թ. հունիսի 10-ին, մյուսները՝ Մոսկվայից, 1836 թ. փետրվարին /չի պահպանվել/ և մարտին: Առաջինի մեջ Արքեպիսկոպոսն Աշտարակեցուն դատին է համձնել իր ապագա լուսավորական-կրթական ծրագրերը, վերջինների մեջ, խորին ակնածամբ ու շեղմ համակրանք արտահայտելով մրա անձի ու գործերի մասին, դառը խոսքեր ուղղել երախտամոռ ժամանակակիցների հասցեին. «Վիշտ անմխիթար տարածանի, ոհ, զոսկերօքս, մինչ զգամ, թէ ոչ ձեռն առաջնորդեսցէ զիս, որոյ ամենայն շարժումը միմիայն զազգին ջանայր պատրաստել և հաստատել երջանկութիւն և բարօրութիւն: Ապերախտ Տփղիս և ժողովուրդ անզգայ, որ ոչ միայն զինքն զրկեաց ի բիրազգի բարեաց, գորս հոգի ձեր մարդասէր ցանկայր տալ մնա, այլ և փակեաց, հեռացոյց զհոգևանի»՝ ընդ որոյ թևովք պատահիք դեռահասակք կարէին զարգանալ և հասնիլ ցանկութեանց իւրոց. ընդէ՛ր բռնադատիմք այժմ վտարանդի շրջիլ աստ և անդ, վասն զի չիք՝ որ առաջնորդեսցէ զմեզ, չիք՝ որ բառնայ տկարութիւն մեր. ձեռն ի ձմտի թափառիմք և որբացեալ կամք զլսովին ի քաղցր հորէ: Ուստի՞» այս վստահութիւն և ապերախտութիւն մարդկան, որք ջանան և տքենն խախտել, խորտակել զգործս իւրեանց ժամանակցաց»²⁹: Այս նամակին Ներսես Աշտարակեցին պատասխանել է, բայց ուրիշներին ուղղված նամակում, միջանկյալ տողերով: Օտտ հնարավոր է, որ 1835 թ. հունվար-փետրվարին, մինչ Արքեպիսկոպոսն Պետերբուրգում հայ մեծահարուստներին և ուսն պետական ու գիտական նշանավոր անձանց ծանոթացնում էր իր ապագա լուսավորական գործունեության ծրագրերին, հետևանքների մասին ծանուցած լինել մահ Ներսես Աշտարակեցուն: Բայց այդ նամակը չի պահպանվել:

Կարևոր է 1844 թ. հունվարի 25-ի կաթողիկոսական կոնդակի վերջին մասը, որ ամփոփում է Ներսես Աշտարակեցու բուն խնդրանքն ու համաձայնությունը իս. Արքեպիսկոպոսին. «...խնդրեմ ի ձեզ, զի թէ իցէք ի սահմանի Արարատեան աշխարհի, ընդ ընկալնուդ զսոյն գիր ոչ խնայելով զաշխատութիւն ձեր գնասցիք առ յիշեալ գիտնական եկաւորսն և լուեալ արժանապէս ի մոցումց զնոցայն հաճոյական լաղազս օժանդակութեան իւրեանց զամենայն զկարևորն ձեր և բարձր սրբազնութեան մախապատիւ ատենականի Սիմօղի Էջմիածնի, առանց

²⁸ Ա. № 304, /հմտ. Պ. I, 217/:

²⁹ Ա. № 125, էջ 1 /հմտ. Պ. Հակոբյան, խաչատուր Արքեպիսկոպոս, կյանքը, գործը, ժամանակը, Ե., 1967, էջ 697-698/:

զանցառութեան հոգ կալչիք միաբան գործակցութեամբ գտանել ասպնջական մոցա ընդ ամենայն ձերոց կարողութեանց այնպէս, զի ունիցին մոցա զլիով չափ բաւականութիւն իւրեանց յաղագս ձերոց մարդկային և քրիստոնէական կարեկցութեամբ լինելոյն օգնական ինքեանց, առ որ ես ինքնին համոզեցայց զիս պարտաւոր ձերում բարեբանութեանց»³⁰։ Բայց Ներսես Աշտարակեցու տողերն Արքայանին են հասնում միայն ապրիլի կեսերին, Թիֆլիսում։

Զբաւականամալով դրանով՝ մույն օրն արձակած մեկ այլ կոմիտակով Կաթողիկոսը հանձնարարում է Սիմոնի աստեանապետ Բարսեղ Կեսարացուն՝ ծանուցել յոր կամքն Արքայանին և տեղեկանալ նրանից, թե Արիխն արդոյոք չի՞ ժամանել Հայաստան, և ի՞նչ հետևանք ունեցավ իր խնդիրքը։ Այնուհետև հանգամանալից հրահանգներ տալով վերջինիս, թե Մայր Աթոռի հոգևորականությունը գործնական ինչպիսի՞ օգնություն և աջակցություն պիտի ցույց տա Արիխի գլխավորած արշավախմբին, նրան ուղարկելով նաև Արքայանին գրած իր նամակը՝ հասցեատիրոջն հանձնելու համար, Ներսես Աշտարակեցին ավելացնում է. «Գրեցի ընդ այսմ և առ Ապովեան՝ ծանօթն և շնորհապարտն մարդասիրութեանց գերմանացոց, գործել լուսյ եկեալ այդր յիւր Հայրենիս, որ եթէ իրաւի ունիցի գտանիլ յերևան կամ ի հայրենի գեղջ իւրեանց, զգիր իմ առաքել առ մա, կոչեսցես և զինքն ի տեսութիւն այդմ գիտնական հիւրոց հայրենեաց Հայաստանի»³¹։

Հենց մույն օրը, սակայն, մինչ Արիխն այցելում է Ներսես Աշտարակեցուն՝ ստանալու համար նրա հանձնարարական միուս նամակները զանազան անձանց, Կաթողիկոսին տանը չի գտնում, իսկ սպասավորը սխալմամբ նրան է հանձնում նաև Արքայանին ուղղված նամակը, որն իրականում ուղարկվելու էր Էջմիածին։ Տուն վերադառնալով և նկատելով սխալը, Վեհափառն անհապաղ գրում է իր նրկորդ կոմիտակը Բարսեղ արքեպիսկոպոսին՝ տալով այդ առթիվ մոր հրահանգ. «... Ի 25 ամսոյս յաղագս Արիխ անուն ուսումնականի ուրումն, որ առաքեցաւ Կայսերական հրամանաւ այդր յԱրարատ և ի սահմանակից գաւառսն ընդ պօրուհիլ լեռնական ինժեներ Սոկոլովի, գրեալ զյանձնարարութիւն առ ձեզ վասն ամենայն կարողութեամբ ձեր օժանդակելոյ մոցա, հարկաւոր համարեալ գրեցի և առ վարժապետ խաչատուր Ապովեան հարազատն մեր, որ գիտակ է որպէս բազում հանգամանաց դաշտաց և լերանց Արարատայ, մանաւանդ յերիմն Մասեաց՝ այնպէս և լեզուի մոցա և գերկոցում գրեալ իմ գծրարսն եղի ի վերայ սեղանոյ, զի ի ժամանակի եղեալ ի ծրարի առ ձեզ գրութեան իմոյ գծրարն գրեցելումն առ Ապովեանն յանձնեսցուք խնդրողացն զայնս։ Այլ առանց մեզ կնքեալ զայնս ջոկ-ջոկ տունալ են մոցա, յաղագս որոյ յանձն առնեմ ձեզ, զի յստանալն ձեր զգրեալն իմ առ ձեզ, հարցչիք և վասն գրեցելումն առ Ապովեանն, և եթէ չիցեն պատահաբար հանդիպեալ մեա և տուեալ զգիր իմ առ մա, դուք ընկալեալ զայն, հասուցիք մեա, եթէ իցէ այդր յերևան, և կոչեալ զմա պարտաւորեսցիք լինիլ օժանդակ մոցա ըստ ամենից կարևորացն ինքեան, որպէս մարդկային մարդասիրութեանց...»³²։

³⁰ Ա. № 304 /հմտ. Դ. I, 217-218/։

³¹ Մատենադարան, ԿԴ. № 110/138, թ. 1ա /սևագիր/։

³² Ն. տ., № 110/141, թ. 1ա, բնագիր /հմտ. «Գիտական նյութերի ժողովածու», № 1 Ե., 1941, էջ 193-194 և Դ. II, 280/։

Ստամբուլով կաթողիկոսական կոնդակը և կատարելով հանձնարարությունը՝ փետրվարի 20-ին Բարսեղ արքեպիսկոպոսը պատասխանում էր Ներսես Աշտարակեցուն. «Մեծալ յարգամօք ընկալալ զկոնդակ վեհափառութեան Ձերոյ, արձակեալն առ իս 25 յունվարի ամացելոյ, համար 25 և իսկոյն թղթակցեալ ընդ պարոն Արքովեանին ի մասին գիտնական առն Արիխ անուանելոյ, որ ունի զալ յայտոսիկ կողմունս, ստացալ ի նմանէ զպատասխանի թէ՛ մա տակաւին չէ եկեալ յերևան»³³:

5

Արիխի և Արքովյանի շրջագայությունների ողջ անցուդարձերը 1844 թ. ապրիլից սեպտեմբեր ընկած ժամանակամիջոցում արդեն ծանոթ եմ մասամբ «Խաչատուր Արքովյանի դիվանի» երկու հատորներում Ե. Օսմազիզի հրատարակած պաշտոնական վավերագրերից, մասամբ էլ՝ Արիխի «Կովկասյան երկրներից» խորագրով ճամփորդական ճամպակների հատորներից՝ լույս տեսած Վիեննայում, 1896 թ., ուստի հարկ չեմք համարում վերակրկնել: Հայաստանի երկրաբանական հետազոտության համար այն, հիրավի, հույժ շահեկան եղավ, բայց անձամբ Արքովյանին, մոր դառնություններից բացի, այլ բան չպարզեց:

Աճառաշողություններն սկսվեցին մասնավորապես դպրոցական կյանքում. աշակերտների մի մասը, մնալով առանց տեսչի հսկողության, ցրվեց, իսկ դպրոցամերձ այգին գրեթե չորացավ: Երևանցիներն հիմա էլ սկսեցին չարախոսել Արքովյանին, թե մա իր հաճույքի համար շրջագայում է այս ու այն կողմ՝ մոռանալով դպրոցն ու իր անմիջական պարտականությունները... մարդկանց մախկին հավատն արդեն դժվար էր վերականգնել: Արքովյանի հոգեվիճակն այնպիսին էր, որ չէր տրամադրվում ստեղծագործելու:

1845 թ. առաջին ամիսներին միայն Արքովյանը կարողացավ փոքր-ինչ վերագտնել իրեն և պատասխան ճամակ ուղղել Ներսես Աշտարակեցուն՝ ինչպես մրա հանձնարարությունը բարեխղճորեն կատարած լինելու առթիվ լուր տալու, այնպես էլ հոգում բույն դրած անսփոփ ցավերի մասին անկեղծորեն խոսելու համար: Նամակի առաջին մասն Արիխի ուղևորությանն է վերաբերում, որին աջակցություն ցույց տալու համար, ինչպես իր տեղում ասել եմք, Ներսես Աշտարակեցին մախ՝ 1844 թ. հունվարի 25-ին, հատուկ կոնդակով, ու հետո էլ՝ երկիցս, ուրիշների միջոցով դիմել էր Արքովյանին: Եվ վերջինս հիմա, Վեհի հանձնարարությունը կատարած լինելու առթիվ ուշացած, բայց դրական լուր տալու ցանկությամբ առաջնորդվելով և ընդհանուր խոսքերով միայն անդրադառնալով անձամբ իր թափած ջանքերին («...յապրիլէ սկսեալ միմչն ցսկիզքն նոյեմբերի»³⁴... տարագրեալ եղէ ընդ մմա ոչ միայն ի մեր սահմանս, այլև արտաքոյ մորա ի գաւառն Մակուայ և Բայազիտայ...»), նկարագրում է հայոց ընդառաջումներն Արիխին այն բոլոր վայրերում, ուր արդեն հասել էր Ներսես

³³ Ն. տ., № 112/575, էջ 29 և № 110/20, թ. 1ա, սևագիր /հմմտ. «Գիտական մյութերի ժողովածու», № 1, էջ 194 և Դ. II, 280/:

³⁴ Այստեղ անուշադրության սխալ է սպրդել. Արքովյանն իր ուղևորությունները Արիխի հետ դադարեցրել է սեպտեմբերի 15-ից:

Աշտարակեցու (որին ինքը պատվում էր «Հայաստամայայց Ռույս» տիտղոսով) «տիրաճրավեր շունչը» կամ կոչը:

«Պատիւ, յարգանք, ընդունելութիւնը և յօժարական պատրաստութիւն մերազմեայց՝ ի մեծէ սկսեալ միմչև ցփոքունս և ամեմայն ուրեք... ամցին զամծին ամոր քան զչափն... Եւ ոչ մի գիտնական ճամապարհորդ նախ քան զսա եգիտ և զտեղ զայսօրինակ եռանդափոյթ ջերմեռանդութիւն ի կատարումն կամաց իրոց»։ Քանի որ ամձամբ շատ էր դառնացած Աբիխից, Աբովյանը չի կարողանում քողարկել վիրավորանքը և պարբերությունն եզրափակում է մի տարակուսական հարցմունքով. «Բայց ծանիցէ՞ և խոստովանեսցի՞» նա ինքն զայս ամենայն, Աստուծոյ միայն և նմա է գիտելի. մեք զմերովսանն նմա ցուցանել ծառայութիւն ոչ անգամ և ոչինչ իրս զամց արարաք»³⁵:

Թեպետև օտարի մասին, բայց այս խոսքերի մեջ կա որոշակի տագնապ, հար ու մման հայության տագնապալից իրավիճակի և անհետաձգելի լուծում պահանջող այն բազում խնդիրների, որոնք ճակատագրական նշանակություն ունեին իր ապագայի համար, և, ըստ երևոյթին, նրանց հարկադրանքով է, որ հիմա գրիչ էր առել ձեռքը:

Աբովյանը, սակայն, մորից մի կողմ է թողնում ամձամբ իրեն վերաբերող հարցերը, որոնց տնօրինությունը կախված էր միայն ու միայն Ներսես Աշտարակեցուց, և մի կերպ զսպելով իրեն՝ տրտմաթախիժ ոճով ազգի իրական վիճակն է ստորագրում, դրանով իսկ փութացնելով վեհափառի վերադարձը Մայր Աթոռ, որովհետև իսկական Ռոզեկոր միխթարության և նյութական ու բարոյական աջակցության կարիք ուներ ողջ հայ ժողովուրդը: Նարեկացու համճարեղ գրչի հետ մրցող տողեր են, որ կարդում ենք այնուհետև. «Հօտ առանց Ռովուի, որդիք առանց վերատեսչութեան, տուն առանց խմամակալու հոգաբարձուի, ախտք և ապականութիւնը, կեր և յափշտակութիւն ամենայն ուրեք մաշէ և կեղեքէ զազգն ողորմելի: Կուրութիւն հոգւոյ, տգիտութիւն մտաց կապեալ կաշկանդեալ ունի զամենայն սիրտ...»:

Գրելով այսպես՝ Աբովյանը միայն իր կարծիքը չէ, որ հաղորդում է վեհին: Աբովյանի պես էին մտածում շատ-շատերը, որոնց անկեղծ համոզմամբ՝ այս «ամբուծելի վշտերի» փարատողը միայն ու միայն Ներսես Աշտարակեցին կարող է լինել: Հետևաբար իր և համախորհուրդ մյուս հայրենասերների անումից խոստանում է ամեն կարգի աջակցություն, միայն թե վեհը օր առաջ ժամանի Մայր Աթոռ և իր ձեռքն առնի ազգային Եկեղեցու դեկը. «Կեանք մեր զո՞հ լիցին սուրբ և ազգասէր կամաց Ձերդ վեհափառութեան...»,- հավաստիացնում է Աբովյանը:

Որպեսզի ընդվայր չհնչեին իր տագնապալի կամչերը, նա վճռում է աղաղակող փաստեր ևս բերել՝ Կաթողիկոսի ուշադրությունը ձրավիրելով նախ քանաքնոցի Մարիամի /Մայրանի/ տղբալի բախտի վրա, որի վիճակը

³⁵ Ե X, 267: Նամակի քննադիրը տակավին չի հայտնաբերված: Օգտագործել ենք Աղ. Երիցյանցի համար կատարած զույգ արտագրությունները /Մատենադարան, Երից. N° . 148/234/, մի երրորդը՝ Աբովյանի դիվանում /Ա N° 189/, որոնք կատարված են 1870-ական թթ., և առաջին հրատարակությունը՝ «Փորձ», 1880, N° 8-9, էջ 194-198:

թերևս ցնցելու համար իր և ուրիշների միջև այդ ձեռնարկած քայլերը ձախողվել էին հոգևոր պետերի ամհոգության պատճառով: Ամհայր, ամմայր և ամագգական այս որբի ճակատագիրը չէր հուզել մեր «մարդասեր հոգևորականներին», միջոցն ջարերն ամգամ աղաղակում էին նրա ամմեղության մասին՝ պահանջելով ազատություն այն բռնությունից, որ պարտադրվել էր ամգթորեն. «Հռնի քարշի ողորմելին յեկեղեցին, մովին բռնահարությանը կարդան ի վերայ նորա զկարգ ամուսնութեան յարգոյ մեր քահանայք, բայց հագիւ աւարտեալ զայն, խղճաբար հարսն՝ իբրև այսահար ոք՝ փախուստ առեալ ամտի՝ դիմէ ի տուն հորաքեռ իւրոյ, սպառնայ սրախողխող զինքն առնել և ո՛չ տայ զանձն և զանմեղութիւն ի ձեռս առն այնպիսոյ, զոր ինքն ո՛չ կամի»³⁶:

Փախած ամուսնուց՝ խելագարված Մարիամն այնուհետև ամբողջ չորս տարի թափառում է Քանաքեռի ձորերում, գիշերում քարանձավներում, պատառոտված շորերով և քաղցած: Կարծես նրա մասին են պատմում Թումանյանի մույմանուն պոեմի տողերը.

Ու հալածված իր հորից,
Փախած չորամ Կարոյից,
Սոված, պատռած շորերով,
Կորչում էր մա օրերով:
Կուչ էր գալի խղճալի
Օջախի շուրջ օտարի
Կամ թափառում մեն-մենակ
Մեր հանդերում շարունակ³⁷:

Համասերների վկայությամբ՝ Թումանյանի պոեմի հերոսուհու նախատիպը ոմն գրումայի Սաքոյի աղջիկն է³⁸, բայց չի բացառվում, որ բանաստեղծը ծանոթ լիներ նաև Աբովյանի սույն մասնակին և իր երկը ստեղծելիս ինչ-ինչ ազդակներ առներ դրանից, մանավանդ որ մասնակը հրատարակված էր «Փորձ» ամսագրում, իսկ Թումանյանն այն կարդում էր:

Մարիամի ողբերգությունը սկսվում է 1828 թ., երբ մա հագիվ իմը տարեկան էր, իսկ բռնացող քահանան՝ քանաքեռցի Տեր Մարգարե³⁹: Թշվառ ազգականուհուն խորապես կարեկցելով, վերջապես կարողանում է գյուղ տանել և իրենց տանը պահել Աբովյանի մայրը: Աղջիկն աստիճանաբար վերագտնում է իրեն: Երբեմնի փեսան Մարիամի խելագարության դեռ առաջին ամիսներին լքել էր նրան, ամուսնացել երկրորդ անգամ և ուներ երեխաներ, հոգևորականներն օրհնել էին նրա պսակը, բայց անչափահաս հարսին ոչ մի կերպ չէին ուզում ապահարզան տալ:

Աբովյանի եռանդուն միջամտությամբ նրա հարցը 1838 թ. սկսած դառնում է հոգևոր ատյանների քննության առարկա, բայց զանազան անփաստ պատճառաբանություններով և՛ Երևանի հոգևոր իրավարանը, և՛ Հջմիածնի Սինոդը

36 Ե X, 288:

37 Հ. Թումանյան, Երկերի լիակատար ժողովածու, հ. 3, Ե., 1989, էջ 12-13:

38 ՏԵՄ Ա. տ., էջ 497:

39 ՏԵՄ Մատենադարան, ԿՂ հմր. 118/389, թ. 128:

ձգձգում են գործը՝ վերջնական լուծումը թողնելով մոր Կաթողիկոսի՝ Ներսես Աշտարակեցու իրազեկությամբ, հետևաբար Արտվյանը սույն մամակում մեր գուրջն ու արդար վճիռն է խնդրում. «Մարթե՛՛ արդեօք մի՞նչ ցայս վայր անգամ քակել գսիրտ մարդկային և զօրեցն աստուածային, անդ՝ ուր քարիցքն ևս աղաղակեն զանմեղութիւն և գոչեն մարդասիրութիւն, այլ ամենագութ արդարադատութիւն վեհափառ եպիսկոպոսապետիդ՝ քաջայոյս եմ, փութով հմարեսցէ և հրամայեսցէ ի բաց ընկենուլ գայս ամլուր բռնութիւն և տալ զազատութիւն կապելոյն յամգութ ձեռաց»⁴⁰:

Հիշո՞ւմ էր արդյոք Արտվյանն ավելի քան ութ տարի առաջ, մի՞նչ Նոր Նախիջևանում էր գտնվում, այնտեղի իրադրությունները հուզող մամաօրինակ դիպվածը, որին ինքն էլ փորձեց միջամտել, սակայն դարձավ ստոր բամբասանքի առարկա և հազիվհազ կարողացավ վերագտնել իրեն: Արտվյանն այնտեղ ծանոթացավ Ալեքսան քահանա Մաթևոսյանի դստեր հետ, որին երկու տարի առաջ իր երբեմնի բարեկամները՝ Սիմեոն արքեպիսկոպոս Բզնունյանցն ու խաչատուր խոմաճյանը, հակառակ աղջկա ու մրա ծնողների ցանկության, բռնի ճշանել էին Տեր Սիմեոն քահանայի որդու հետ և շտապում էին քաղաքապետարանի օժանդակությամբ պսակել: Աղջկա ծնողներն օգնություն ու ազատություն են խնդրում թեմակալ առաջնորդ Ներսես Աշտարակեցուց, սակայն վերջինս այդ ամենը համարելով Գաբրիել Պատկանյանի բամբարկությունների արդյունք՝ մերժողական պատասխան է տալիս: Մայրը մի՞նչ ևս դիմում է Ռուսիայի ներքին գործերի նախարարի օգնությամբ, սակայն այստեղ էլ Ներսես Աշտարակեցու հեղինակավոր խոսքը վերստին կասեցնում է դրական վճիռը: Երջանցելով թեմակալ առաջնորդին՝ Արտվյանը որոշում է դատական ջնջության առարկա դարձնել հարցը և 1836 թ. մայիսի կեսերին օրիորդի ամուսին հատուկ խնդրագրով դիմում է Նոր Նախիջևանի հոգևոր դատարանին՝ վերջինիս ուշադրությունը հրավիրելով կնոջ իրավունքների և ամուսնական փոխհարաբերությունների վրա, որոնք չէր կարելի ամտեսել մամ մուրթ խնդիրը քննելիս և վերջնական որոշում կայացնելիս. «Աէրն է ամուսնութեան առաջին և հարկաւորագոյն մպատակն... Կենաց երջանիկ ժամանակն... ի յամուսնութենէ սկսանի առաջ գալ... Կարե՞՞ն յայնպիսի ծնողաց զարգանալ զաւակք բարեսնունդք՝ որք ինքնանք երկպառակութեամբ և անմիաբանութեամբ բնակին...»⁴¹: Բայց դատարանն ևս չի համարձակվում շեղվել Ներսես Աշտարակեցու վճռից: Դառնացած ու ծանր հոգով՝ Արտվյանն այն ժամանակ թողնում է Նոր Նախիջևանը... Իսկ Ռիմա մույնպիսի հարցով ուզում էր փոխել Ներսես Աշտարակեցու քարացած կարծիքը պսակի սրբության և ապահարգանի վերաբերյալ, մամա՛վանդ որ կատարվածն անարդար էր չափից ավելի և, հիրավի, աղաղակող:

Մարիամի հարցը, սակայն, որի բարեդեպ լուծումը թվում էր անտարակուսելի, լոկ փոքր մասն էր այն մեծ հոգսերի ու տառապանքների, որոնք ալեկոծում էին Արտվյանի հոգին: Նրա բուն անելիքը հետո է սկսվում: Տագնապալի, անորոշ ու ահավոր էր հենց իր վիճակը: Խոսքերը, որ կարդում ենք այնուհետև, Արտվյանի

⁴⁰ Ե X, 268:

⁴¹ Ա N° 590 /հմտ. Դ II, 12/: Մատենադարան, ՆԱ N° 167 ա/1084, թթ. 30ա, 31ա, 32բ:

գրական ժառանգության ամենացնցող տողերն են՝ գրված բոլորոքուն նրակայությամբ և սրտի արյունով, անցքերը, որոնց վրա հրավիրում է հասցեատիրոջ ուշադրությունը՝ Արտվյանի կյանքի ամենաողբերգական դրվագները: Կենաց ու մահվան անլուծելի հարցի առջև էր կանգնած նա, մինչ պատմում էր իր գիտակցական ողջ կյանքի իմաստը դարձած պատրանքների խորտակման մասին, պատրանքներ ու վեճ մպատակներ, որոնք ինչ-որ չափով կարելի էր կենդանի իրականություն դարձնել, եթե Ռիմա Ներսես Աշտարակեցին բռներ նրա ձեռքից և հասցներ այն ճանապարհին, որով կարելի էր առանց լուրջ խոչընդոտների աստիճանաբար դնել ազգային լուսավորության տաճարի հիմքերը: Հետևե՛ք մասնի շարադրությանը:

Ի՞նչի համար էր Արտվյանը ծանրագույն գոհողությունների գնով օտար աշխարհներ ընկել և ազգին ու հայրենիքին պիտանի դառնալու մպատակով կրթվել ու լուսավորվել և ի՞նչ ընդունելության արժանացավ Դոդապատից վերադառնալուց հետո մայր հայրենիքում, հայոց հոգևորականության կողմից: Արտվյանի գիտելիքների ու բարոյականության մասին Ռուս տերության հեղինակավոր ամձանց լավագույն հանձնարարականները այն ժամանակների Կաթողիկոս Հովհաննես Կարաբեցին ընկալելով որպես պարտադրանք և հրաման՝ նրան որակեց հավատից շեղված և լյութերական ու մեթոդիկ գործունեության ասպարեզ տրամադրել վաճառական և հոգևոր դպրոցներում: Միայն սովից չմեռնելու համար, հարկադրված, Արտվյանն աշխատանքի անցավ արքունի ուսումնարանում, հետո ամուսնացավ, երեխաներ ունեցավ, որպիսի վիճակ բնավ չէր ենթադրում:

Մի կարճատև լուսավոր պահ այնուամենայնիվ ապրեց Արտվյանը հետդորպատյան վեցամյա տարիներին. հիմնեց իր մասնավոր դպրոցը՝ գաղափարակիցներ ու գործակիցներ պատրաստելու համար, բայց նրան սկսեցին խանգարել ու հալածել պետական ծառայության մեջ անգամ՝ հարկադրելով փակել մասնավոր դպրոցը. «Աստի ևս նախանձ և չարակամութիւն իմոցս պաշտօնակցաց գրկեալ զիս բռնի յորդեգրաց իմոց՝ պատճառ եղեն ինձ թողուլ զՏփլիս և հեռանալ աստ, ուր այժմ եմ ես՝ վշտագնեալ հոգւով ի վերջին յուսահատութեամբ», - գրում է Արտվյանը⁴²:

Հուսահատության պատճառն, ամշուշտ, նյութական ապահովության քացակայությունը չէր, ոչ էլ փառք ու պատվից զրկվելը, որոնց թվում է, թե ձգտում էր նա, այլ հայրենիքի վիճակը և իր անկարողությունը՝ օգնելու, ուստի դառնացած հոգով պատմում էր Ներսես Աշտարակեցուն. «...աւորք իմ անցանիւն ընդվայր, գօրութիւն իմ սպառի, յապաղի օր ըստ օրէ, միտք իմ զլանայ, ցանկութիւնք իմ մեռանիւն, տեսանեմ զտարաբախտ վիճակ Հայրենեաց և չունիմ հմար և միջոց օգնել մմա իւիք, որ էր առաջին և վերջին մպատակ կենաց իմոց: Վաղուց մտադրեալ էր իմ տեղափոխ լինել աստի իսպառ և գնալ կամ ի Ռուսաստան, կամ ի Գերմանիայ, այլ աւետալուր համբաւ զալստեան սրբազնաստորք օծութեան Ձերոյ կապէ, կաշկանդէ զիս մինչև ցարդ քաղցրագին յուսոյ և սիրոյ կապամօք յապագայ բարիս: Զի՞նչ օգուտ ինձ փառքն և պատիւ

այլ ուրեք... բաց է ինձ ճանապարհ ամենայն ուրեք, ուր յօժարիցիմն ծառայել, այլ մի՞թե վառն ծառայութեան և աստիճանի տանջեցայ ցայս վայր»⁴³:

Որովհետև Ներսես Աշտարակեցուն վաղուց ծանոթ էր Արովյանի «սրտի մերքին զաղտնիքը», քուն մպատակը, ուստի, ինչպես գրում է այնուհետև, նրա զայստյանն էր սպասում, որպեսզի ցանկալի փոխըմբռնման դեպքում, արդեն մոր ասպարեզում, մվիրվեր դրանց իրականացմանը: Անձխտելի ճշմարտությունն է, որ ազգի Ռիմնավոր հոգևոր կրթության միակ հույսը հոգևորականությունն է, և սա նաև Արովյանի աներեր համոզումն էր, հայ ժողովուրդը, սակայն, չունեի այդ մեծախորհուրդ մպատակի համար քիչ թե շատ պիտանի անձինք, իսկ ինքն էլ, որ պատրաստ էր կյանքը զոհելու համուն դրա, արդեն վտարված էր էշմիածնի միաբանությունից: Արովյանն այժմ աշխարհական էր, բայց և զուրկ՝ ընտանեկան քաղցրությունը վայելելուց, որովհետև դրժել էր մանկության տարիների ուխտը և հեռացել հոգևոր ասպարեզից՝ դրանով իսկ կորցնելով վստահությունը և սահմանափակելով գործունեության շրջանակները:

«Այս անբուծելի ցաւ սրտիս, որ և պատճառ լիցի մահուան իմում, խափանեալ և խանգարեալ ունի զամենայն զօրութիւն իմ: Աշխարհ ամենայն մեռեալ է յաչս իմ: Չիք իմ այլ կեանք, քան բարեբախտութիւն Հայրենեաց: Պահանջեսցէ որ զկեանս իմ ի պատարագ մեա, պատրաստ եմ և զայն ընծայել ի զոհ»: Հետևաբար, պաղատագին աղերսում էր Ներսես Աշտարակեցուն՝ փրկել իրեն կործանումից. «Արարէք զիս շիղ ոտից Ձերոց, վսեմափառագոյն եպիսկոպոսապետ: Եթէ օրէնք ի ձեռս առաջնորդաց եմ, քանի՜ ևս ի ձեռս եպիսկոպոսապետաց և առաջնորդապետաց: Չեմ ես առաջին օրինակ միայն՝ որ ցանկայ թողով գտուն և զգաւակուն և բառնալ զխաչ Քրիստոսի, կամիմ, պատրաստ եմ հոգւով և մարմնով և խաչ ելանել ի սիրոյ առ Հայրենիս: Չեմ այս ցնորք տղայական, այլ հաստատ յօժարութիւն և փափագ առն կատարելոյ: Միմն ի բազմարդիւն աշխարհագով վսեմագործութեանց Ձերոյ եղիցի՝ դարձուցանել զիս յառաջին վիճակ իմ, յորում միայն յուսամ կատարելագործել զամենայն փափագ սրտիս»⁴⁴: Արովյանը լիաճուս-էր, որ եթե Ներսես Աշտարակեցին ընդառաջեր իրեն և վերադարձներ մախկին վիճակին, իր հետևից հոգևոր սքեմ պիտի առնէին նաև իր աշակերտներից շատերը՝ սկիզբ դնելով «Հայաստանի մոր Ոսկեդարի»:

Արովյանի մամակը Ներսես Աշտարակեցու ձեռքը հասավ 1845 թ. մարտի 28-ին, Քիշնևում, և չենք տարակուսում, որ լուրջ մտահոգություններ պատճառեց Վեհափառին: Պատասխան գրելը միանգամից չհաջողվեց, անհրաժեշտ էր լրջորեն քննել Արովյանի առաջադրած հարցերը, որի համար ժամանակ էր պետք: Բայց այդ ընթացքում մամակը խառնվելով ուրիշ թղթերի՝ անհետացավ նրա տեսադաշտից ու մոռացվեց և յոթ ամիս հետո միայն, հոկտեմբերի 14-ին, արդեն Նոր Նախիջևանում, անակնկալ դուրս եկավ ուրիշ թղթերի միջից: Ներսես Աշտարակեցին սկսում է գրել պատասխանը և հոկտեմբերի 15-ին ավարտում, բայց դեռ չծրարած՝ մամակը մորից է անհետանում և տասն օր հետո կրկին

43 Ն. տ., 289:

44 Ն. տ., 269-270:

մեջտեղ գալիս՝ այս ամբաստնադատվող առանց ուշացնելու փոխել ամսաթիվը և առաքել հասցեատիրոջը⁴⁵:

Անցած ավելի քան ութ ամիսներին Արտվյանի կյանքում որևէ էական փոփոխություն չկատարվեց, մրա տառապանքներն ու վշտերը բնավ չամոքվեցին: Սկզբներում, դեռ երկար ժամանակ, նա սպասում էր պատասխանի, իսկ երբ այն ուշացավ, ենթադրեց, թե ավելորդ է այդքան կարևորագույն հարցերի համար արագ ու ցանկալի լուծում սպասելը և փորձեց գեթ դպրոցական առօրյայում լռեցնել մերքին տագնապները: Բայց նորից դառնություններ...

Անդրկովկասյան երկրամասի ուսումնական մասի կառավարիչը և դպրոցների վերատեսուչը սկսեցին պաշտոնական պարտականություններից շեղումներ նկատել Արտվյանի գործունեության մեջ և տեղի-ամտեղի վիրավորել մրա արժանապատվությունը: Դրան ավելացան դպրոցի շենքի հրդեհը, թուրք մոլլաների հետ գոտությունը, այնպես որ պատասխանի մասին մտածելու ժամանակ չէր մնում:

Ներսես Աշտարակեցու պատասխանը հոկտեմբերի 24-ին Նոր Նախիջևանից ուղարկվում է Տփղիս, վիրահայոց հոգևոր թեմի առաջնորդ Կարապետ արքեպիսկոպոս Բագրատունուն՝ Արտվյանին փոխանցելու համար: Նկատի առնելով Տփղիսի և Նոր Նախիջևանի միջև ընկած հեռավորությունը՝ մեր կարծիքով, արքեպիսկոպոսը Կաթողիկոսի ծրարը ստանալուց հետո, Արտվյանի նամակը շուրջ 20 օր դեռ պահում է իր մոտ և միայն նոյեմբերի 24-ին, կից գրությամբ, ուղարկում Երևան: Արտվյանն այն ստանում է երկու օր հետո, նոյեմբերի 26-ին⁴⁶:

6

Արտվյանի հուզաշատ ու տագնապալի խոսքին Ներսես Աշտարակեցին հակադրում է անթաքույց համակրանքի ու հորդորական արտահայտություններ՝ գրված ճարտասանական նախաձեռնի վարպետությամբ, թեպետ վերջիններն, ըստ էության, հուսադրող քիչ բան էին պարունակում: «Անձկութեամբ հոգւոյ» իր հնավանդ ողջույնը հղելով «յարմատոց բարեաց՝ շատաւիղ, բարեշուք» խաչատուրին՝ Կաթողիկոսն Արտվյանի առաջադրած հարցերին պատասխանում է գրեթե մույն հեթականությամբ՝ անդրադառնալով նախ հոգևոր ու աշխարհիկ դասերի ողբալի վիճակին, որ քաջածանոթ էր նաև իրեն և պակաս մտահոգություններ չէր պատճառել. «Վշտացոյց զգացումն իմ ո՛չ սակաւ յաղագս ցաւելի դրութեանց սրբութեան հայրենի եկեղեցւոյ և երկանց գերմաքուր մայրութեանց մորա հոգևորականաց և մարմնատրականաց»⁴⁷, - գրում է նա:

45 Ա. № 305 / հմտ. Դ. II, 176-178/:

46 Ա. № 426 / հմտ. Դ. II, 178/ և Ա. № 305, թ. 2թ, մակագրություններ:

47 Այս և հետագա մեջբերումները կատարում ենք անմիջականորեն կաթողիկոսական կոնդակի / նամակի / բնագրից՝ Ա. № 305: Տպագրության մեջ / տե՛ս. Դ. II, 176-178/ առկա են չվերծանված բառեր, արտահայտություններ, ստղեր և զանազան անճշտություններ:

Ներսես Աշտարակեցիմ այնուհետև իր կարծիքն է հայտնում Արքայաճի քեռու դստեր՝ Մարիամի հարցի վերաբերյալ՝ չթաքցնելով, ըստ այդմ, իր անկեղծ մտադրությունը: Իր իսկ խոսքերով՝ յոթ ամիս շարունակ դժբախտ որբի ճակատագիրը զբաղեցրել է իր միտքը խորին կարեկցանքով: «Ոչ նուազ ևս քերեաց կարծրագոյն քերամօք զգագաւումն իմ այն ի հմագոյն ժամանակաց զայրացեալ միջնչ յոյժ խստատամբ մեղիչ մշտամրմումք իմում կրից՝ միատարր յարատևութեամբ իբրև մախասառմամութեամբ իմն ընթացակից իմում մշտակոշկոն կենաց տառապանք որբացեալ Մարիամ անուն կոնջ կամ աղջկանն քանաքեոցոյ, զի ցայս վայր ահա 7-ն ամիս գտանի յինէն ևս զրկեալ յիրոց այցելութեանց, ըստ մախագրեալ պատահմանցն»,- գրում է նա՝ խոստանալով էջմիածին վերադառնալուց հետո վերջ դնել Մարիամի տառապանքներին և հուսադրելով մի փոքր էլ համբերել, «միջնչ ժամանեցուք մեք առաջնորդութեամբ Աստուծոյ ոչ ևս անազան»:

Նամակի երկրորդ մասն արդեն Արքայաճի բուն մտադրություններին էր վերաբերում, որի ապագային, որոնց նկատմամբ հայրապետական դրական կամ քացասական վճիռը կարող էր իմչպես գործունեության հզոր խթան դառնալ Արքայաճի համար և դրանով իսկ սկզբնավորել ազգային վերածնության մոտ շարժումը, այնպես էլ վերջակետ դնել նրա անհիմաստ գործունեությանը և դուռ բանալ այնպիսի տառապանքների, որոնց շատ շուտով պիտի հաջորդեին Արքայաճի լինել-չլինելու հարցը: Հետևաբար Ներսես Աշտարակեցիմ իր բառերն ընտրում է խիստ զգուշությամբ՝ խոսքն սկսելով Արքայաճի համար նվիրական ու պաշտելի պապից՝ երջանկահիշատակ Աթովից, որի նկատմամբ ինքը ևս շարունակում էր տածել խորին պատկառանք ու հարգանք՝ հավաստիացնելով մեկ անգամ ևս, որ նույն անկեղծ զգացմունքները տածում է նաև Աթովի թոռան՝ Խաչատուրի նկատմամբ դեռ մանուկ հասակից. «Բարեյիշատակ այրն, երևելի, մեծապատիւ Աթով՝ մեծ հայր ձեր կամ պապ, գոյով վերապատուեալ առ կենդանութեանն յիմում համարման, ծանուցեալ եմ զձեզ որպէս թոռն նորա յօրէ ճանաչելոյ իմ զձեզ ի ձերում մանկական աշակերտութեան և ունիմ արդ ևս այնպէս»:

Կյանքն ու աշխարհը, սակայն, այլ եմ, ունեն իրենց օրենքները, մշտապես ենթարկում են մարդկանց փորձությունների ու տառապանքների՝ տակն ու վրա անելով ամեն ինչ: Դիտորհն չէ դիմագրավել այդ ամենին և շարունակել նպատակադրյալ ընթացքը. «Այլ զի բնական է աշխարհի յիրումն խարբալի խարբալեալ զամենեսին ոչ ըստ նոցայն հաճոյից, այնպէս ևս ի միմ խարբալի ուժգին հարուածովք յայս կոյս և յայն կոյս յարուածուօք կենօք գտեալ եմք մշտատագնապ և ունիմք մոյնպէս տագնապիլ և մեք, և դուք, և այլք առհասարակ, մեծամեծք և փոքունք, իմաստունք և տգէտք, առ որ աղաչանք Բրիստոսի առ իւր հայրն միայն ունին զօրել և ոչ պակասեցուցանել մեզ հաւատ յամենայն կեանս մեր»։ Ուստի բնական ընթացքն ամեն ինչում Հավիտենականի տնօրինությանը և Արարչի կամքին ենթարկվելն է:

Արքայաճն իր մամակում ընդարձակորեն ամփոփարձել էր նախկին Կաթողիկոս Հովհաննես Կարբեցու՝ իր նկատմամբ ցուցաբերած անարդար վերաբերմունքին՝ ընդմիջտ զրկելով իրեն էջմիածնական միջավայրում մոտ հոգևորականության կրթությամբ ու դաստիարակությամբ մշիներու հմարա-

վորությունից, մինչդեռ Արոսյանի դորպատյան ուսումնառության գլխավոր նպատակն այդ էր: Արոսյանը բառացի մեջ էր բերել Կարբեցու դաժան վճիռն ու պատասխանը. «Հրամանա զա՞ն ի վերայ իմ, վտարադեպիդ ի հաւատոյ. դու լաւ խմորել կարես զմիտս ամմեղաց, այլ կրթել զնոսա չէ քո գործ»: Ներսէս Աշտարակեցին լավ էր ըմբռնում դրա հետևանքները և այդ առումով Արոսյանի ապրած իրական դրաման, սակայն, իբրև կաթողիկոս, այլ պատասխան չի գտնում, քան տրամաբանական գործությամբ հանգստացնել նրա խոռվահոյզ սիրտը: «Ամռնմն ունի զձայն սոսկ և ո՛չ բնաւ զեութիւն իրիմ մշանակեցելոյ իմքեամբ».-ասում է նա: Հետևաբար որքան էլ մարդ անդրադառնա իր նկատմամբ ալլոց գործադրած անարդարություններին, ոչ միայն ոչինչ չի շահի, այլև չի վերադարձնի անցյալն ու կորցրածը. «...զի թէ բիր անգամ ասասցեն հաց կամ քուր, ո՛չ երբէք յագեսցին քաղցեալք, և ո՛չ բնաւ զովասցին ծարաւիք»:


Քաջ իմանալով ազգային կյանքի և վաճակաւ միջավայրի հնարավորությունները՝ Ներսէս Աշտարակեցին կարծես խուսափում է պատասխանել Արոսյանի առաջադրած վերջին ու գլխավոր հարցին՝ թույլատրել կրկին հոգևոր սքեմ առնելու և վաճք վերադառնալու: Եզրափակիչ տողերի մեջ առկա «Ո՛չ զովեսցին զրեալք» մտեալ յամուսնութիւն, վաղուց հրաժարեալ եմ... ցկատարելագործել զամենայն փափագ սրտի՞մ» և այդ խոսքերին հաջորդող առաջնական պատվիրանն ու համապատասխան զգաստացնող խրատը՝ «Եթէ մոռացեալ իցէք կամ արտողեալ, կարէք արծարծանել զգրեալն Անթոյն ընտրութեան և դառնալ ի ձեր ուշ: Ունակութիւն առաքինական բարեպաշտ վարուց և անփոփոխ յայնս հաստատութիւն բարուց հօգրեղազէն զօրէն զանգակի հանդիսացուցանել ամենեցուն զկեանս» փաստորեն վկայում են, որ Կաթողիկոսն անողորմական համոզում էր Արոսյանին հլուությամբ տանել ամուսնության լուծը և առմիշտ հրաժարվել աշխարհիկ կենցաղը փոխելու պատրանքներից:

Թույլ հույսերը և հարուցած հարցերից կարևորների մասին անորոշ, ավելի ճիշտ՝ մերժողական պատասխանները չէին կարող առիթ չդառնալ հոգեկան նոր տառապանքների: Ի՞նչ անել այժմ. բոլոր դռները, սակայն, դեռ չէին փակված, նամակով, թերևս, հնարավոր չեղավ իր բուն ցանկություններն, ինչպես հարկն է, հասկանալի դարձնել Կաթողիկոսին: Գուցե Մայր Աթոռ վերադառնալուց հետո անձամբ դեմ-դիմաց զրուցելով միմյանց հետ, կարելի՞ լիներ ըմբռնելի դարձնել վեհին իր տագմապետն ու ձգտումները և ստանալ աջակցության ու հովանավորության հույս ու խոստում: Այդ չէր կարելի բացառել, ուստի Արոսյանը զիմվում է համբերությամբ, և որովհետև Կաթողիկոսի վերադարձն ակնկալվում էր կես տարուց հետո միայն, օգտակար դարձնելու համար սպասումը՝ մվիրվում է դժվարին ու ծանր ստեղծագործական մի աշխատանքի:

Արդեն ասացինք, որ Ա. Խ. Բենկենդորֆը մախորդ տարիներին հանձնարարել էր իրեն պատմա-ազգագրական մի աշխատություն պատրաստել քրդերի ու եզդիների մասին: Դրանից շատ չանցած, 1844 թ. սկզբներին վախճանվում է Բենկենդորֆը, բայց Արոսյանն իրեն ազատ չի զգում ստանձնած պարտականությունից. քրդերի ու եզդիների՝ բնության այդ պարզ գավալների կենցաղը, հոգեբանությունն ու բանահյուսությունը գրավում էին իրեն ևս: Ռոմանտիզմի դարաշրջանի եվրոպական գրողները, գրեթե բոլորը, հմայված էին Արևելքով: Ռոմանտիկ Արոսյանն էլ իր արևելյան հրապուրանքները ջանում էր

գտնել քրդերի ու եզիդիների աշխարհում: Արևելքի, մասամբ մահմեդական, թե արևապաշտ խրոյստ ուսմիկները՝ քաջության ու արժանապատվության մասին իրենց ըմբռնումներով, գունագեղ տարազով սևաչյա աղջիկներն ու երիտասարդ կանայք՝ իրենց առօրյայով ու երգերով ամենաշաղափելի ուժով ձգում էին մրան: Հետևաբար Արովյանը Ծմնդյան տոներին նախ ճանապարհորդում է Երևանի գավառի քրդերով ու եզիդիներով բնակեցված վայրերում, թարմացնում իր տպավորությունները, գտնում մոր ծանոթներ ու քարեկամներ, իսկ այնուհետև, 1845 թ. վերջերից մինչև Ռաջոդ տարվա գարուն (ու մասամբ Ռետո էլ) ինքնամոռաց լարվածությամբ աշխատելով՝ գլուխ է քերում գերմաներեն լեզվով շարադրված այդ ընդարձակ ուսումնասիրությունը, սևագրելուց Ռետո մեն-մենակ արտագրում երկու (թե՛ երեք) օրինակ, պատրաստում մեկ երկու համառոտ տարբերակ և ուղարկում մեկը Գերմանիա, Մյունխենի համալսարանի պրոֆեսոր Մորից Վագներիին, երկրորդը՝ Կովկասի քարձրագույն իշխանություններին, ըստ պատկանելույն հասցնելու համար, երրորդը՝ «Kavkaz» լրագրին, վերջապես՝ մի համառոտ տարբերակ էլ, ավելի ուշ, համձնում ուս գրող ու ճանապարհորդ Անդրեյ Մուրավյովին⁴⁸:

Արովյանն ամբողջությամբ կլանված էր այս գործերով, երբ լուր առավ մայիսի սկզբներին Ներսես Աշտարակեցու՝ Երևան ու Էջմիածին ուղևորվելու վերաբերյալ: Պետք էր ըստ արժանվույն դիմավորել մրան և պատրաստվել անձնական հանդիպման: Այս մասին, սակայն, Ռաջոդ անգամ:



⁴⁸ «Քրդեր» և «Եզիդիներ» ազգագրական ուսումնասիրությունների թուր տարբերակները՝ հանդիման հայերեն քարձրագույնություններով և մեր համաամանալից ծանոթագրություններով տե՛ս Արովյանի Երկերի լիակատար ժողովածուի VIII հատորում: